

藍山詩集



藍山詩集

藍山詩集卷之五

七言律詩

秋宿南山別墅

南山雨過未成泥，自起攜鋤種藥畦。
屏跡免教時論及，虛心真覺物情齊。
魚知澗藻須深入，鳥畏風枝不受棲。
明月滿窗誰共宿，白雲紅樹老猿啼。

關雨

雲霓蹤跡未全消，數日山中草木焦。
徒有世人祠土梗，自無神力倒天瓢。
鄰莊並汲愁乾井，田舍相過歎稿苗。
欲問大均誰主宰，十年不聽太平謠。

藍山詩集

卷五 七律

澆花

稚子銅瓶汲井渾，一畦花木對南軒。
已看潤色分枝葉，更惜清陰庇本根。
溪澗龍移泉化土，田疇龜坼草連枝。
老夫亦有蘇枯意，無力穿雲浚水源。

次韻答歐陽雪舟

雲出無心鶴自歸，塵埃何用汚人衣。
東將入海從巢父，西上長安愧陸機。
才薄空爲時俗忌，年衰尤恨弟兄稀。
南窗一枕松風睡，遮莫人間萬事非。

百年舊隱傍名山，一落塵埃竟不還。
自倚涓流難變濁，誰知獸食不畱斑。
松楸漸覺秋風老，澗壑空餘夜月閒。



慚愧老兄攜弱姪又修茅屋臥雲間

閉門仲蔚只村居賣卜君平與世疎兩地相思常命駕
十年不會費題書青山久候幽人屐白屋曾畱長者車
秋早黃花開較晚度關紫氣近何如

催菊

籬下黃花共我長開時便欲醉重陽枝間點染分秋色
葉底胚胎釀晚香久旱似慚虛雨露後凋終擬傲風霜
兒童頗會吟翁意朝夕分泉灌漑忙

對菊

懶與時芳作並妍西風籬落意蕭然自從屈子歌騷後

藍山詩集

卷五

七律

二

也共陶潛到酒邊消瘦只宜秋色好耐交惟有晚香傳
南山長在幽人眼開早開遲不必憐

夜雨

稻梁漠漠秋風老茅葦蕭蕭夜雨多一點蘇枯今不
數重漏濕欲如何百年又迫飢寒際十口曾因喪亂過
欲往南山訪黃綺雲深何處紫芝歌

題萬德中家譜後

宋代君臣慶會年萬俟瓜瓞最綿綿衣冠累世堆牀笏
詩禮承家舊物璫正統足徵三史在成周自有十人賢
晴窗臨寫元勳牒宛若丹書鐵券傳

送朱孟舒

秋風送別出閩關老桂吹香拂馬鞍分教往年曾北上
司征此日又南還詞林已富三冬學雲路終期九萬搏
愧我無成頭白盡紫芝黃菊共空山
窮鄉漸老不趨時短褐飄蕭兩鬢絲秋色黃花聊寫興
陽春白雪愧來詩分瓊潞水驚文采攜酒芝山訪武夷
不爲送行徵一語巷南巷北未相知

贈葉彥新

石林居士日相親溫雅如君復幾人脫卻時名棲寂寞
吟成詩句轉清新清溪九曲宜垂釣茅屋三間可卜鄰

藍山詩集

卷五 七律

三

我亦平生憂世者近來雙鬢白如銀

寄陳景章

閒雲野水平生趣大帽寬衫未老身五畝受廛依舊俗
十年閒徑候何人詩名漸遠非長計酒興全疎且耐貧
欲扣柴門連疾阻好風良月憶相親

九日書懷寄余復嬰

自摘黃花泛石泉南山對我興悠然功名不是平生事
詩酒難忘未死年更老定知形似鶴苦吟欲鍊骨成仙
武夷九曲秋風裏一笑洪崖共拍肩

酬雲壑過訪

城邊窮巷老夫家長掩柴門自不諱徑底秋風花采采
簷前朝日鵲喳喳青藜屢過山人杖白帽閒煎處士茶
兩夜雨聲期共宿短檠時復落燈花

高麗 足弱服勝駿圓懷牧仙老

杖藜扶路更蹢躅空想秋風過北山帶索榮公行自笑
看花劉跛醉仍還欲填溝壑狂何益久辱泥塗出轉艱
仙老傳方能勝駿相期來往華嵩間

一 寄陳德甫

三山府學訓導

攜手琅邪飲釀泉別來書札罷流傳三山海水連春樹
九曲仙巖隔暮煙風景不隨人事異老懷肯作冷灰然
藍山詩集 卷五 七律 四
何時烏石山邊屋重看題詩憶惠連

題劉俊民鎮撫蘭室卷

一室塵居不受喧滿前生意對蘭孫七絃漫倚宣尼操
九畹仍窺屈子園霽月光風浮戶牖清霜紫電繞轅門
十年來往慚交誼襟袖餘香遠更聞

題雪景

高閣臨江戶牖開兒童歡喜故人來不知天際孤帆到
祇訝山陰短棹回雪凍白魚初上釣天寒綠蟻自添杯
題詩正好分清氣回首瓊瑤萬壑堆

戊午自壽

野人扣戶愧青精自笑龍鍾老鶴形卦滿周天著再探
觴浮流水酒微醒桑蓬又記逢初度松柏何煩祝遠齡
頗與榮公同此樂長歌金石振林垞

論詩賦綱中

白頭難掩雪霜蹤纖手穿成絡索同映帶暮年微矍鑠
遮藏秋色久蓬鬆牽絲祇訝蛛臨戶覽鏡翻慚鶴在籠
便與黃花相見好不愁破帽落西風

不題寄彭穆之

鄉閭誰信合并難數月曾無一日歡釀酒祇應謀自醉
題詩未肯借人看林間麋鹿全天性澗底松筠保歲寒

藍山詩集

卷五 七律

五

青眼白頭相望在閉門高興愧袁安

代題六朝遺秀圖

石頭城下繫孤篷滿眼興亡六代宮吳晉山川非舊國
宋齊陵墓但秋風犧牲不入諸天界花月高歌永夜中
欲問漁翁渾不識年年江上蓼花紅

白頭病中

能得浮生幾日閒桑榆夕景漸闌珊病魔可避甯浮海
詩債相尋且閉關燈影背窗愁作伴雨聲喧枕夢驚還
鹿車記得清溪路稍待秋風更入山

裡人送雲松歸山

自笑龍鍾步躑躅天蒼再賦

殘臘相過

連宵不得一尊同我方多病脩脩鶴

君亦高飛的的鴻梅柳夾門歸正好詩書滿屋道非窮
春來別約論文處瀑布泉西七市東

春日憶章屯故居

衰年長愧北山靈春日題詩憶翠屏茅屋也從人借住
柴門不爲客來扃林陰嵐濕藏書架爐冷苔侵煮茗瓶
惆悵閒窗巾幌在孤墳宿草已青青

題杜德基望雲軒卷

平川上有望雲軒棟宇飄零舊扁存遺墨猶能傳異代
承家應喜得賢孫春風回首思先隴秋色關心隔故園

藍山詩集

卷五

七律

六

百世詩書餘澤遠草堂原在浣花村

病中承質夫下訪

同是天涯逐客還老來隨力種田園書傳郭璞從心授
跡共陶潛避世喧前輩獨看霜木在病軀今作野猿蹲
手中九節仙人杖昨日相思偶過門

酬伯穎見訪

開門春日枉良朋扶病相迎愧未能採藥久知來北谷
種瓜猶識住東陵丹砂變化神仙術白帽風流隱逸稱
老我無由筋力健廬峯雲谷擬同登

和雲松過鶴田有感

清溪松竹故人居門掩東風寂寞餘一束生芻將老淚
數編殘藁訪遺書邱墳已卜山林近堂構仍聞歲月虛
回首平川應不遠棹歌微響復如初

盆松乃慈谷手植

瓦盆乞得小松栽誰撥霜根向斷崖盤屈豈能移本性
低回故欲困長材吞聲莫向秋風訴抗節從教臘雪埋
更後十年知己長仙人應化鶴飛來

三天酬雲壑下訪

病中相訪過林廬慚愧交情祇似初詩卷畱連談不盡
藥囊增損問何如衰年漸覺平安少滿目仍嗟故舊疎
藍山詩集 卷五 七律 七
烏石岡邊非遠別春風時枉小轅車

壽日醮壇有感

三天符籙授長生凡骨尤慚煉未輕方士久傳餐白石
野人相勸飯青精宮商縹緲仙歌遠樓閣玲瓏梵氣成
弱冠有聞今白首空山何處候方平

盆松出遊

病中三月不出戶暖日晴風始一游處處鳥鳴催布穀
山山花發叫鈎輞幽人几杖來相就野老壺觴起更畱
童僕不知觀物意歸途催報夕陽收

贈張兼善

山人相識自平川又會松軒煮石泉惆悵望雲懷故舊
周流觀世避英賢河圖擬究成書際羲易應參未畫前
頗訝華山陳處士白雲深處至今眠

雨中畱雲松兼善宿西山

清宵那得酒如川共聽簷聲吼澗泉茅屋閉門慚舊隱
松窗下榻集羣賢茶甌款話更深後詩卷分題燭影前
歸思縱忙猶阻水竹牀布被且同眠

雲松邀往翁源足疾不果行

臨水登山興已非客來扶杖強相依前川不得隨花柳
遠壑空思老蕨薇覽鏡傍徨餘髮短開書涵詠壯心微

藍山詩集

卷五 七律

八

仙人不授輕身術安得凌空跨鶴飛

雲松杜閣觀漲

茅茨連夜雨聲傳坐想波濤漲百川倚檻未能陪杜老
乘槎端欲慕張騫空中度鳥疑經海樹杪浮舟擬上天
安得便尋巢父伴釣竿東去拂雲煙

擬雲松東彥民

詞翰知名有幾人東家住近不相親久傳筆勢行蛇蚓
又說詩篇助鬼神伐木未聞鶯出谷停雲空望雨清塵
春風門巷蒼苔徧獨少林逋履跡新

期雲松會宿不至

松軒會宿興難乘坐聽城頭轉二更北斗忽高當靜夜
南風不起又慳情鼎中茶熟思清話囊裏詩成欲細評
相對白頭宜一笑百年幾度入山城

題春山訪隱圖

游山有興未從容偶向君家閱數峯水泛落花凡幾曲
雲開遠岫似千重茅堂有約琴尊共蘿徑何時杖履從
避世老翁頭雪白風前徙倚聽長松

西山述懷

衰年無思獨棲棲月旦何勞更品題自古冥飛知避弋
從來世事笑吹蓬階前野鶴雞同食谷底芳蘭棘自迷

藍山詩集

卷五 七律

九

天末數峯猶在眼微陽隱映暮雲西

次韻雲松西山送別張兼善

西山一徑綠陰稠梅雨晴時送客游對榻更期何夕再
抱琴深入白雲幽微風藥草薰衣袖盡日詩瓢挂杖頭
閒說道人猶惜別呼樽翦韭夜相畱

雲松西山懷舊

藍田邱壑費攀緣因憶前游一惘然丹藥難徵勾漏令
虹橋空說武夷仙西風老鶴松間語白石羣羊洞口眠
無分住山空有屋塵埃袞袞送流年

盆梅乃林希玄寄惠

羅浮喚醒雪霜魂，知是孤山幾代孫。
冷蕊疎枝低作幹，蒼苔碧蘚近移根。
未論大用調金鼎，已許平生老瓦盆。
歲暮徜徉三友在，寒松瘦竹共柴門。

托根盆盎似藏身，五蕊三花小試春。
水月影隨燈火轉，山林跡共市塵親。
隴頭不爲行人折，湖上空懷處士鄰。
最念平生清白操，偶拋霜雪傍光塵。

小軒得白石玉雪不足喻置之竹泉石間大可人意因邀雲松同賦

拾得他山玉一團，光華偏映讀書軒。
乍驚殘雪畱花砌，久訝明星浸石盆。
何處琢來秋水骨，半空吹落白雲根。

藍山詩集

卷五 七律

十

詩癯自擬連城價，不共歌牛月夜村。

游山

扶病看山許坐游，林泉五月氣如秋。
田家麥熟登新飯，道士芝香瀉舊筍。
微雨旣過空翠濕，清風自動綠陰稠。
道傍聽得兒童語，又比年時轉白頭。

川漲

雷聲風響鬪前灘，滯雨荒林夏更寒。
城邑千家臨巨浸，田園幾處犯狂瀾。
馬嘶又恐天瓢倒，鼃負終知地軸安。
但得麻姑長健在，眼中應見海波乾。

賡雲松陪祭翁墩先隴

三年不得詣先塋白髮斜陽渺渺情空讀蓼莪揮涕淚
又慚麥飯負清明風煙極目山林遠邱隴傷心草樹平
多感故人深厚意一樽同薦石泉清

次雲松述懷韻

奇骨終遭伯樂知希聲不必問鍾期我慚半死方成爨
君爲長鳴忽受羈谷口又焚荷芰日壇前初對杏花時
塵埃毒熱難相就空向停雲結遠思

黃均德前任鄆都縣丞服闋赴京過余林下

三仕爲丞不負人蜀中赤子戀慈親先塋已許號松柏
宣室猶思問鬼神偶過草堂畱藥物又趨京國拂衣塵

藍山詩集

卷五 七律

十一

承家黃霸能爲郡他日應期畫錦新

送冠與雲松

野人自有木皮冠不近塵埃不用彈亂世已甘同屨賤
衰容還許戴巾看遠游擬入華陽洞高格應窺杏樹壇
送與泮宮張博士一簪華髮舊瓊寒

題趙子庸古木居卷

趙子西江古木居客游未返十年餘蛟龍倔彊垂當戶
科斗流傳貯有書風雨每嗟鄉夢遠塵埃近覺宦情疎
鄰人喜遂歸來願落葉荒苔併掃除

挽雪舟鍊師

三年屢報枉柴門一日俄傳起土墳棺舉空衣無弟子
匣藏遺劍有諸孫鑑湖一曲秋風興廣嶺千枝夜月魂
化鶴縱歸華表上人民城郭更堪言
城西菴裏托空衣無復扁舟到武夷壁上梅花成故物
水邊茅屋認題詩騎驢張果游何處放鶴林逋候幾時
蒼舊雕零交誼少秋風吹老北山芝

題西山菴

空山寂寞守巖扃獨鶴棲棲傍草亭曉鏡又催霜雪白
秋衣不換芰荷青仙人住處多栽藥野老來時或負苓
同氣雕殘衰朽在百年光景似晨星

藍山詩集

卷五 七律

三

饒雲松歸隱

流泉不似在山清雅曲原非俗耳傾可怪岑牟加禰子
更堪圭組累陽城古人已愧嗟來食此日還間接浙行
投老山林高尚志丈夫出處貴分明

高誼平生少似君蒹葭倚玉愧攀援老安恬退眞長計
醉戒疎狂勿浪言南澗風霜餘散木北山煙霧嘯清猿
明當謝絕交游去畱得儀型繼鹿門

有感

五十知非六十衰懷才祇合奮當時莫將賈誼讖年少
自識馮唐值數奇奔競漸回廉恥俗老成早作太平基

白頭滅跡空山裏未用長歌覓紫芝

送陳子敬歸三山

石頭城下住經年鄉路重尋谷口田千里客愁淮水上
三山歸興海雲邊故園松菊陶潛宅舊日才名鄭老壇
舟泊武夷思仰止棹歌遺響墮空煙

暑夕不寐懷雲松

天風無力卻炎氛紈扇爐煙坐夜分畏病近來如畏虎
驅愁正爾似驅蚊隔谿蘭若疎鐘動何處松林獨鶴聞
巨氣可人清似水欲將詩興一尋君

代簡雲松

藍山詩集

卷五 七律

三

世事紛紛未息肩雞羣鶴處尙翛然故山可隱人將老
佳夕相思月再圓稚子久嗔陶令出諸生休笑孝先眠
他時定有公車召正及先生鬢鑠年

伯穎彥能下訪

二妙相隨訪草堂臥痾無力負衣裳欲延下榻情雖切
不待烹茶去已忙槐雨侵階粘屐屐濕松風入戶枕書涼
三年不就論文約白髮青燈興漫長

贈歐陽亦雪

歐陽處士有行窩東擔琴書處處過肘後藥分丹火秘
雪中梅放墨花多老來懷抱思傾寫病起筋骸費按摩

間與赤松黃石伴樓居此日意如何

七月得遠書作

領得兒書未散憂畏途煩暑病初瘳叩闈已近情猶隔
負土恒勤汗徧流正直久爲羣謗困淒涼又滯半年囚
世間萬事推天定長倚柴門望素秋

示兒

天怒甯論罪有無荷戈萬里成成都三聲自聽猿鳴慘
一片誰憐雁影孤苦樂不同安悔吝死生前定省憂虞
老牛舐犢終存愛白髮蕭蕭淚眼枯

衰容渾欲不勝衣况復天涯有戍兒塞雁傳書空在望

藍山詩集

卷五 七律

十四

林鳥返哺動遐思諸孫梨栗頻相聒獨老桑榆久自知
春日一樽拚盡興阿咸傍看醉題詩

拋卻耕鋤候縣門朝呼夕令競紛紛久知畫地皆爲獄
漫道號天可扣闈入市於菘尋汎語關牀穀鯁倚眞聞
白頭咄咄書空罷慚愧龐公訓子孫

次韻雲松病中見寄

謝病投閑素願酬廣文壇冷脫官囚叩龜勿藥終爲喜
枉札加餐不用愁更向畫圖評水石偶題詩句寄林邱
西山風雨茅齋冷獨老如今萬事休

自述

弱子承家志未酬無辜遽作楚人囚
萊衣漫有思鄉淚
羌笛眞成出塞愁
白髮臨風悲遠道
綠叢耕雨憶荒邱
放農銷甲知何日
更倚柴門望不休

擬仲雨借韻懷兄

松菊軒成罷唱酬
可懷非罪泣孤囚
一川煙雨鴿原晚
萬里秋風雁塞愁
安得凱歌還絕域
能忘堂構在中邱
音書莫訝從來少
魂夢相尋獨未休

病中

西窗僵臥動逾旬
世事淒涼淚滿巾
老去已無見可託
病來眞與死爲鄰
孤虛履運成何事
悔吝連秋爲此身

藍山詩集

卷五 七律

五

抗節擬同松柏固
顛崖從爾雪霜頻

衰年臥病閉柴荆
有客相過問死生
隱几祇饒昏欲睡
杖藜非復跛能行
社中漫忝詩名共
方外虛思藥術成
寄語郡齋張博士
寂寥猶望故人情

無才祇欲苦吟詩
肝腎雕蝮氣久衰
白虎痛傳關節徧
烏蛇方送藥資遲
下牀腓股堅於石
覽鏡頭顱白勝絲
多謝道人余復古
酒瓢新浸五加皮

題王仲文監稅臨清閣卷

官閣臨清皆市廛
司征餘暇思飄然
牛羊春雨回山徑
鷗鷺秋風傍釣船
酒熟重期何日會
詩成還有幾人傳

瓜時未欲忘清景歸捧新圖鶴髮前

城隅官閣下臨河監稅閒來載酒過兩岸蟬聲喧濕翠
一天鷺影落晴波憑欄自有幽人樂趨市能無估客歌
三載政成心似水柏臺還說薦書多
官閣新成勝概兼日長公暇理牙籤青山對榻嵐光重
碧水當軒爽氣添客到無時浮太白人間何處有朱炎
遙知睡起題詩際燕語隨風落畫簷

次韻老泉午日書懷

佳節端陽病未瘳老懷非爲看龍舟自知枕上孤吟苦
不及樽前一笑休角黍榴花賓榻遠菖陽苜蓿郡齋幽

藍山詩集

卷五 七律

六

明朝漸許筋骸健共過柴門倒瓦甌

簡汝實祐吉席上諸公

兩處芳筵共一朝病軀不動愧相招已知博士推名飲
又說監河善醉謠冠弁巍峩容自肅觥籌交錯興初饒
巷南巷北休辭遠絳絳蠟銅盤徹夜燒

奉謝雲松寄惠青藤并詩

仙藥驅風力最靈九華山裏老藤青三更花露調冰碗
一斗松醪倒石餅博士傳方消痼疾衰容涉世保餘齡
更煩大筆重題品續入神農本草經

新詩妙藥兩難酬令我平生宿疾瘳弱足便堪扶杖起

閒情先想出門游邑中佳句爭傳誦海上仙方費遠求
強欲追隨成二老莫將天驥笑羸牛

老泉索賦喜雨

苦熱真嫌夏日長片雲今夕作秋涼
顛風未欲驚蒲柳急雨還能養稻粱
病骨清冷惟穩睡吟懷衰老減疎狂
馮唐過我談新詠扣戶先愁債未償

題廖監河行軸

王制昔聞書澤禁聖朝今見設漁官
壯齡臚仕榮新授鏗戰成功帶舊瘢
網罟旣徵田賦減舟航兼算水程寬
瓜時正及秋風起一鶚扶搖九萬搏

藍山詩集

卷五

七律

七

次王仲文溪閣懷友韻

何處秋光最好看臨清閣上酒杯寬
蘋花渺渺漁舟遠楓葉蕭蕭鷺渚寒
詩興徘徊來海月畫圖彷彿卷風湍
塵居一老兼貧病長愧資筵不可干

和吳縣丞韻

西山爽氣喜朝看堆案相仍政自寬
筆底煙波孤棹晚堂中風月一琴寒
定應持版思佳菊還念垂綸倚碧湍
野老力耕常賦外不因詩興豈相干

送梨與雲松

百果稱宗品最奇餐冰嚙雪食如飴
十年雨露栽培力

八月秋風採摘時登俎應知全味在傾筐還動故人思
張公大谷猶多樹蕪沒中園久不治

食梨有感

西園梨樹憶兒栽梨熟征兒去未回適口自憐甘似蜜
羈懷誰念冷於灰爭攀漫引兒童喜啄食頻看鳥雀來
此日思兒長繞樹不堪風雨晚相催

梁教諭惠椒筆兼詩

故人不接數旬餘望望停雲正憶渠椒實半囊分卻老
兔毫雙管擬中書更題長句才難敵欲報高情愧不如
惟有白團差可意清風相送到齋居

藍山詩集

卷五 七律

六

用韻自述

生年七十又過餘萬事從心不校渠風雨聲中長閉戶
桑榆影裏更觀書行扶竹杖龍鍾甚病踞藜牀偃蹇如
憶昨武夷雲滿谷長松千樹託巢居

九日席上呈兼善伯壽

九日歡游處處同微軀僵坐似枯松強開桑落招詩社
倦插茱萸到病翁張子思歸心漫苦劉郎題詠意先慵
瓦盆到手俱拚醉天道焉知伯道窮

哭兒骨殖還故山

愁心慘淡失清秋歸骨淒涼傍故邱總爲無兒憐伯道

更堪非罪哭王褒古來禍福分淫善近日忠良似寇讐
黥作辱兵甯餓死西風殘照淚交流

竄死遐荒萬里餘藤纏草束土侵膚黃金竟爲讒言鏹
白骨飜成待價沽形影自隨嗟獨老肝腸分裂念諸孤
天高視聽無消息強欲招魂託楚巫
明時不得保天倫萬里投荒殞爾身欲引殘魂歸故國
祇憑老僕勝周親瘴雲瀟水郵亭遠絕域孤城烏道頻
此日先塋容附託一抔黃土骨如銀

韻答劉用貞

傾蓋谿頭一再逢六年相望寸心同柴門踣雨題名去

藍山詩集

卷五

七律

九

竹檻看雲執手從前輩文章觀酒德後來歲月歎詩窮
鹿車又與佳兒隱笑折梅花餞曉風

有賦凌雲歎不逢山林出處調應同賓筵偶奉清樽集
鄰巷頻扶短杖從范叔解衣情未展袁安僵臥道非窮
春來擬聽絃歌處白帽低斜杏樹風
明時出處係遭逢投老山林長物同蔬食每畱佳客坐
緼袍自愛野人從開園橡栗羣狙喜滿屋詩書五鬼窮
猶有短琴隨白首興來一曲鼓松風

寄老泉

草堂閒殺老狂夫世上窮愁盡撥除壯志豈期游汗漫

輕身今欲託玄虛市廛不入佯多病道侶相安可久居
攬結林泉清氣在不知詩興近何如

哭彭副使啟殯歸瑞安

獨振兵威百里間更推恩信數州安臯徒竟作操戈入
虎士醜成奉柩還大筆特書青史在荒祠遺像畫衣殘
銘旌遠道收兄骨一片歸雲度雁山
旅殯荒山三十春白頭執紼又何人久知杜甫須收骨
誰料張飛解殺身歸旆已隨春雨動故邱應與海雲鄰
武夷野老扶衰病楚些歌成淚滿巾

次韻壽雲松

藍山詩集

卷五 七律

二

才名久滯廣文壇甲子頻催絳縣年共說稱觴華且近
那知扶杖白雲邊道人酒熟應同醉坐客詩成忽遠傳
黃石赤松長不老從來山澤號癯仙

廣馮老泉

山中久住豈無情偶爲尋詩出谷行歲晏龍蛇當伏蟄
春和鶴鶴自翔鳴眼空江海棲棲老興近煙霞往往清
村傑後來俱特達侯門彈鋏舊知名

贈西山本淳

先代誅茅傍翠岑他山猿鶴也投林藥苗散漫冬無雪
桂樹團圓月有陰高枕白雲同靜境揮絃流水入清音

酒仙惟數張顛健釀得流霞每共斟

鄭居貞別駕歸閒未久又以明經赴召敬題春江

別意圖爲餞

谷口歸來未及耕春風又送趣裝行應知經術懷匡濟
不許山林避姓名此日仙舟真惜別何年詩社更尋盟
黃河泰華如重覽滿路棠陰舊政聲

哭崇邑教諭梁孔謀歸櫬

儒冠未用歎華顛九曲清流對冷瓊仕路偶登蜚一鶚
天恩重試待三鱣黃梁喚醒仙人枕丹旆催歸孝子船
老我無由將絮酒孤墳遙想海雲邊

藍山詩集

卷五 七律

三

索河泊劉昌期貢餘茶

蒼顏白髮未投閒祇訝名兼吏隱難月校舟緡畱渡口
春催茶貢住林間何年天祿然藜杖舊日霜臺借鐵冠
聖代於今偏敬老幾人半俸臥柴關

河官暫託貢茶臣行李山中住數旬萬指入雲頻采綠
千峯過雨自生春封題上品輪天府收拾餘芳寄野人
老我空腸無一字清風兩腋願輕身

挽牛自牧

皓首論交二十年西風吹淚一潸然鹿皮尙想山中隱
鶴骨原知海上仙賓榻動隨長有酒藥囊好施不畱錢

門人應窆空衣在何處青山是墓田

贈葉宗善兼寄復嬰

武夷宮裏葉高士方外同游獨老成
秘訣隱文參古學清辭麗句負時名
餐霞直上陽崖遠采藥歸來夜月明
久別鄰菴余復古西風鶴背許相迎

挽江惟志學佛坐解

儒者推宗墨者師何論削髮與披緇
詞場星斗聲名遠心印虛空慧定隨
已見藜牀安坐逝長懷蓮社失前期
生芻擬向門人哭大筆誰書有道碑

遁世誰知隱者盧閉門自譯化人書
勤修真觀宗天竺

藍山詩集

卷五

七律

五

倦送才名入石渠同郡每詢爲况好
昨朝傳得訃音初
衰容未悟無生理霜木晨星百感餘

廣張宗翰舟過武夷述懷

丹霞白鶴洞仙宮絕頂當年避地同
春雨磯頭憂巨浸夕陽林下眩殘虹
先幾自合乘槎去投老方驚墮甑空
九曲權歌期再聽寄聲鷗鷺少從容

荒榛滿目故儒宮憶昔風雩樂趣同
年代已隨川上水文光無復斗間虹
黃埃赤日遮平地高石層陰起半空
昨暮維舟西渡口濯纓猶勝抗塵容

平生百感復千憂，老景如登海上舟。
毒霧不知何處盡，颶風空說有時休。
艱難徐市仍求藥，錯愕任公畏下鉤。
悔不把茅同野衲，萬山深處自遮頭。

贈西山本純

穴處巢居避市塵，南山構架白雲顛。
風高茅葦三重掩，澗險藤蘿百尺牽。
且食有粗分芋地，春耕無犢廢芝田。
野人不但貧輸力，甲首敲門橫索錢。

問流人

道傍辛苦問流人，非罪相干誤此身。
何用老成徒取辱，久知溫飽不如貧。
衣裳臭穢沾牀汗，枷械拘攣滿面塵。
藍山詩集 卷五 七律 三

不自我先休歎恨，周餘靡有子遺民。

柬張孟寬

醫官督稅想賢勞，盟漱忘餐到日高。
倦執牙籌從會計，偶憑烏几欲推敲。
舟車奏集須躬閱，藥裏增除莫自拋。
此日虛名求實效，研磨直恐數秋毫。

代靈寶廢觀道士葉宗善贄縣官

大地曾懸一黍珠，六丁收塔入蓬壺。
闕闕共記神仙境，宮府堪徵郡邑圖。
梵氣何時重結構，故基此日尙虛無。
苔棠數畝春陰近，借與西風碎數癯。

丙寅歲春送崇邑判簿劉宗文朝京

榮名鄉校起才賢早向亨衢著祖鞭
梧桐樹秋清初到邑
桃花春暖又朝天
由來枳棘棲非久
暫佐絃歌化已傳
王賦足供民瘼盡
野人側耳聽喬遷

佐邑由來宰邑同一琴堂上詠南風
十年蠹穴消沉外
百里人煙笑語中
問俗更思延野老
親賢頻欲過儒宮
仙舟忽報朝天去
歸日棠陰滿路濃

題懷富順縣丞徐惟楫

爲問徐卿自別離
鳴絃暫佐蜀邦時
關山迢遞疎音况
風雨淒涼屢夢思
三峽汎舟清夜泊
雙松當戶綠陰移
喬遷此日知何處
江上逢梅寄一枝

藍山詩集

卷五 七律

十四

題徐士振蜀路看梅卷

綵服曾游錦水濱
見梅如見故鄉親
當時艤棹難爲別
此日揮毫欲寫真
萬里蜀山頻入夢
一枝春色遠隨人
歐陽翰墨名當代
贈爾寒梢數萼新

題沿山王那海千戶澄清亭

綺戶朱疏面面遙
不知城郭有塵囂
石巖雲氣何蕭爽
池水天光共泐寥
楊柳梧桐分處處
鴛鴦鷺鷥並朝朝
杜陵也有南塘興
題向將軍第五橋

題畫龍

淮水歸舟數客程
傳看龍掛雨初晴
九重天際騰身近

一聚雲間掉尾橫。此日畫圖存彷彿。何時爻象應文明。
風雷瀆洞西窗夜。祇訝僧繇已點睛。

八題雲翁龍

畫龍近代數雲翁。下筆斯須變化同。漠漠天陰連海水。
紛紛雲氣逐谿風。偶看全體驚垂老。安得真形走畫工。
紈素蕭條懸壁堵。不爲霖雨夢高宗。

不寄題海好問西湖霜月軒卷

華軒高敞對湖船。有客絃歌夜不眠。楓落吳江霜正肅。
潮生滄海月初圓。自吟肺腑寒光入。欲赴襟期爽氣連。
門外梅花凡幾樹。杖藜蹋影訪逋仙。

藍山詩集

卷五 七律

五

寒食有感

纍纍邱墓掃西原。寒食清明又一年。好木青黃多自累。
野花紅白更誰憐。種桃遁世今何及。辟穀長生亦偶然。
不待蒼龜推倚伏。眼中海水換桑田。

麻素題劉河泊行軸

王制昔聞書澤禁。聖朝今見設漁官。垂綸柳下披衣坐。
舉網津頭立馬看。舟楫水程分已定。緡錢月校近從寬。
瓜時想及秋風起。一鷲扶搖九萬搏。

次劉彥炳武夷見寄韻

故人十載別平川。清夢時時共釣船。採藥重來俱白髮。

聽猿有恨落蒼煙
山頭掃月還相待
水底看松似倒懸
竹洞雲巖秋老盡
晚晴猶喜兩峯連

次彥炳追懷藍澗韻
五嶺三年肅憲綱
平生自倚鐵心腸
不虞厯塊傷良馬
終惜空庖守餓狼
故老有懷鄰笛怨
孤兒無力藥園荒
白頭兄在猶多感
晚日寒花只暫香

次雨軒寄復嬰韻
傲吏當年早掛冠
武夷一曲訪天壇
西風人語松間鶴
碧落仙歌月下鸞
枸杞瓶香封得酒
芙蓉鼎暖養成丹
劉郎休別桃花去
石髓如飴擬共餐

藍山詩集

卷五 七律

三

送吳教諭回廣東守制

冷官食祿四千里
游子思親十二時
祇信燈花頻送喜
偶因風樹卻成悲
戒裝野店晨星落
揮蓋空山暮雨隨
歸向故溪廬
墓日飛來白鵲長靈芝

擬河泊贊知府日

朝回領旨權魚油
白髮微官日夜憂
白願澗溪惟數呂
非如江海有吞舟
邊城弓矢眞長計
黎庶鞭笞不可求
誠敬事君宜奏免
敷陳民隱在邦侯

寄陳景忠

三年不見一書來
况憶論文共舉杯
藥籠素無醫國術

鹽車空絆濟時才只今館閣思
何用山林問草萊
落日題詩勞悵望南天萬里雁空回

河東次天石上人韻

世亂全身寂寞濱無心歌鳳與傷麟浣溪杜甫貧尤甚
破屋盧仝懶是真春日不堪連雨雪老年長恐困風塵
柴桑不隔廬山遠慚愧東林結社人

小樓對雪有懷西山道人

西山白雪一丈深北風吹倒長松林千崖無人虎豹死
中夜有客烏鳶吟高樓此時最相憶弱水隔海知難尋
凡身毛骨更蕭爽願借黃鶴棲雲岑

藍山詩集

卷五

七律

三

春雪

大雪自來南地少春前臘後苦寒生江清已壓漁舟重
風逆還隨柳絮輕萬里山川同一色誰家煙火起初晴
春風欲解崑崙凍願借黃河一洗兵

寄汪雪堂

風雨江城不洗兵君行爲訪北山靈三間破屋遮茅葺
數尺長鏡斲茯苓杜甫只將詩送老陶潛真與酒忘形
何時得遂山林願共倚松窗寫道經

憶弟

在三山作

倦客天涯不自聊月明魂斷更誰招牛羊只戀山中草

鷗鷺空隨海上潮，白髮又侵垂老景。青燈長伴苦吟宵，故園諸弟相思處。細菊疎松慰寂寥。

即夢歸夢 孤艇 孤首 東南紫翠重

獨上江城倚夕暉，西風點點雁斜飛。百年已半猶爲客，三徑將蕪苦憶歸。老婦秋常伏枕癡，雛幾度候牽衣。月明忽作還家夢，九曲谿頭一扣扉。

對酒 即出 且 孤書 險 對 山林

少日題詩自笑狂，老懷對酒便相忘。梨花落盡春將晚，燕子飛時日正長。西谷誅茅應更僻，南園種藥未全荒。客來莫怪陶然醉，懶看浮雲上下忙。

藍山詩集

卷五 七律

三

客來夜坐

瀟瀟風雨坐相侵，共守寒燈抱膝吟。捫虱倦談當世事，聞雞還起濟時心。雲連烽戍兵猶滿，雁度關河雪正深。離亂正當明出處，且將書劍傍山林。

次丁郎中游武夷韻 題一吐異

九曲清游興不窮，舟人指點看仙蹤。雲開釣艇橫丹壑，月落鳴機在碧峯。道士金丹誰化鶴，仙人鐵笛莫驚龍。明朝匹馬尋征路，迴首東南紫翠重。

賦緋菊 孤書 險 對 山林

丹砂竊服駐秋容，便與東籬景不同。徒有頰頰承雨露，

苦無清節傲霜風極知嫵媚隨人易祇恐繁華過眼空
處士欲言何足辨南山正落酒杯中

寄張孟方問應蘇試送別

三年不見張君子舊作書巢傍澗松常與白雲分主客
偶因明月想形容飯牛短褐歌深夜采藥長鑱度遠峯
聞道近移毛義檄掉頭深入萬山重

次游德芳韻

兵戈已覺素心違潦倒山林兩布衣茅屋春深桑柘薄
石田歲晚稻梁微綠尊但用平生足白髮方知往事非
九曲月明春水碧夜深同坐釣魚磯

藍山詩集

卷五 七律

三

東薛君玉

人生自古少合并鄰並應煩數送迎戎馬艱危猶旅食
儒衣漂泊負才名有錢買山便歸隱無酒領客難爲情
傷心世事苦偏側可能白髮對河清

寄三山友人

柴門風雨少人過自檢醫方遣宿痾春去酒杯閒不得
老來詩句拙逾多百年世事猶兵甲九曲生涯有釣簑
海上故人如見問飄蕭短髮臥巖阿

送歐陽士鄂赴京

滄溟萬里泛樓船好借南風送上天望氣欲求歐冶劍

濟時宜著祖生鞭朝廷儉德能懷遠將帥論功頗自賢
林下耕鋤頭已白願歌帝力似初年

秋興三首

滿目煙塵戰伐多束書投老臥巖阿盤餐曉日登薇蕨
衣服秋風製芰荷閭巷總傳空杼軸邊陲未報息兵戈
唐虞儉德苗民化願見風雲氣象和

紅樹關河鳥陣開黃蘆洲渚雁聲哀空聞孤壘圍兵急
不見諸公奏凱回穀熟又非清野計馬肥更恐遠戎來
古人固守資多策異代何勞歎乏材

初傳錦水是危機忽報丹山已解圍薊北諸軍何日到

藍山詩集

卷五 七律

三

江西羣寇一時歸十年警枕無安夜九日看花欲典衣
且盡樽前諸弟興莫思海內故人非

送牛自牧住武夷仙掌菴

牧子風流老更狂武夷六曲築茅堂肯從龍虎來今雨
懶向羅浮問故鄉山月夜寒丹伏火洞天秋闊劒浮光
衰年總仗刀圭力他日須傳肘後方

牧子疎狂早學仙武夷更欲住千年已從春雨修茅屋
便擬秋風買釣船仙酒肯分山客醉神丹未許世人傳
汪顛寂寞金公隱尙想風流在眼前

送董德輿迎侍兼東三山諸友

花壓春城綵袖迴雲飛秋水錦帆開山中令尹憂官瘦
江上慈親望子來遠道不違甘旨願清朝未乏孝廉材
三山故舊煩詢問歲晚相思肯寄梅

山人招黃慎之東林宴集

松門石徑掃蒼苔休日題書報客來對雨特迂高士駕
看山先具野人杯黃花酒熟從教醉白髮詩成不用催
人事寂寥同調少百年今日笑顏開

送貢秘書入京

滄海樓船衛百靈秘書領旨赴朝廷近開東觀延卿月
舊入南閩識使星一代文章推大手百年禮樂抱遺經

藍山詩集

卷五

七律

三

蓬萊不許凡人到空想梨花夜夜青

題陳元謙秋堂圖

聞說西堂夜讀書秋風涼氣動郊墟白雲紅樹思鄉國
碧嶂清江對屋廬千里兵戈愁未已二毛游宦意何如
江東父老懷襦袴松菊何勞問隱居

題方方壺風雲高仙圖

仙人來往馭鸞車豈料遺蹤入畫圖林下曾逢騎一虎
雲間嘗想度雙鳧千峯夜月簫聲遠萬里晴天劒影孤
未遂滄洲瑤草願夢隨飛佩過方壺

玉宇秋中月正明好天良夕祇傷情
幾處關山照甲兵白髮餘光聊自惜
胡牀好盡南樓興莫向西風動笛聲

目笑

本眞法師祈雨有感兼美武綜理

高士西山有異書流傳况是壁中餘
雷電能消旱魃除歲稔便當期鼓腹
政成端欲賦隨車
衰年病骨渾無賴一夜清涼入草廬

送薛君玉調江西憲掾

落花飛絮送殘春濁酒清歌別遠人
宦途鞍馬傍風塵湖邊有宅棲徐孺
城裏無山隱子真

藍山詩集

卷五

七律

三

羨爾奮飛千里遠嗟余落魄二毛新

荒園有感

一片荒園戰伐餘主人流落未安居
歲久誰將蔓草除慨想農功難自棄
靜看人事不如初
道傍時有栽瓜者煙雨纔分半畝鋤

高士
滁州書懷

自笑虛名欲避難病容羈思厭儒冠
籠中藥石藏何用
囊裏詩書懶更看莫怪楚囚終日泣
須知漢法有時寬
秋山滿目悲搖落只有松筠傲歲寒

滁州贈詹齊之

君趨京國凡三仕我向山林滯一生放逐共爲千里客
艱危相倚十年兄鏡中白髮年空老囊裏黃金日漸輕
南望鄉關心已折西風樹樹動秋聲

送張啟宗分題得雲巖朝爽

仙巖上有白雲浮爽氣朝來豁遠眸羣壑漸分初上日
兩峯高並欲凌秋英靈未用譏塵俗故老相期事釣游
幕下簡書何日靜同歌瑤草望滄洲

送徐仲圭迴黃巖

詩書正氣有家傳鄉邑皆稱孺子賢千里趨庭秋似水
重闌戲綵日如年天台鳳穴迎朝旭九曲漁歌起暮煙
藍山詩集 卷五 七律 三

兩地平安報消息燈花數夜照人眠

次趙聲遠韻

閒抱瑤琴入武夷名山不隱復何之五車舊富三冬學
一卷新題九曲詩鵬鶚漸沖霄漢遠蜩蟬自送夕陽遲
君家清獻梅花在靜對高標有所思

次藍澗弟韻

儒臣遠奉聖明恩苦憶山中賤弟昆鵬鶚秋風當嶺海
牛羊晚照隔鄉園書來每歎榮親晚詩寄多題訓子言
與報平安藍澗竹明年春雨又生孫

八月離京兩得書長空更有雁飛無霜臺自聽烏啼早

蕙帳誰知鶴夢孤
秋盡湘潭催去節
雲開衡岳候征途
炎荒沐德雖成化
還想山中徑草蕪
憶昨鳴騶谷口過
別來松菊意如何
一窗夜雨青燈在
兩地秋風白髮多
畝畝豈知鴻鵠志
山林自愛棣華歌
高風未泯柴桑近
相伴牛衣臥澗阿

次韻張雲松

懷文軒前百尺梧
每從清蔭共趨隅
學詩到老從教拙
種藥扶衰自笑愚
高入天風鴻避弋
長鳴秋雨鶴將雛
甘同木石居貧賤
肯信寒松作大夫

贈汪亦雪

藍山詩集

卷五

七律

七

三年無處問平安
一日相過死地還
自說暫離人鮓甕
也知生出鬼門關
園林但入中宵夢
塵土都非壯士顏
祇恐龍泉埋古獄
夜深紫氣斗牛間

詹齊之訪子章屯別業不值有詩畱題次韻奉答

之

一自琅邪返故林
幾年種樹未成陰
買山得屋纔容膝
愛竹臨軒自解襟
春雨桑麻連曉社
西風猿鶴共秋吟
扣戶忽聞張藉近
他日相期話此心

野人自愛住雲林
客到開門掃綠陰
白帽有情應送老
綠樽無事且開襟
一川野水春鉏下
四壁秋風蟋蟀吟

其作故園松菊主未慚元亮百年心

寄贈毛包二山人

五代范越鳳遷五夫翁墩山地畱記云下馬看
一貫不出一千貫不用下馬看歷八姓幾五
百載竟弗克葬子家得之遷二親安厝于彼樹
木長茂皆南鄰毛包二山人力也賦詩寄謝
仙蹤久闕白雲深試考圖經下馬尋開穴不知凡幾代
買山猶自說千金秋風築壠增新土春雨栽松接遠林
慚愧比鄰煩二老長年培護綠成陰

松菊軒雜詠後再賦假山一律

藍山詩集

卷五 七律

三五

兒曹暫得應門閒壘石分泉作小山碧草只疑行處盡
白雲如在望中還四時花竹多生意一日塵埃亦強顏
昨暮得書猿鶴侶種來桂樹已勝攀

題秋山訪隱圖

草堂忽有故人尋野店山橋轉石林渺渺白雲行徑遠
蕭蕭黃葉閉門深脫巾自漉牀頭酒賣藥新修壁上琴
世事匆匆良會少一宵論盡十年心

次張雲松山行韻

行上西峯眼界寬白雲紅樹久盤桓
紉繭自作幽人佩拾橡還隨野老餐
秋盡未蘇南國瘴日斜空覺北風寒

道人賣藥歸來晚畱宿松軒一榻安

次雲松題南山別墅韻

紅塵不入種花源白髮高居曝背軒耕鑿誰知當世事
桑麻時共老農言疎篁野水分三徑古木寒煙自一村
昨夜故人來叩戶安排詩句對清樽

小兒偶得予舊作數首乃故友吳德明氏所錄也

感而有作白雲子女一峯賦

數首殘詩豈足傳十年往事亦堪憐風塵不入仙巖裏
客路長侵海水邊頗覺老來慚少作亦知情好入吟編
秋山灑淚酬知己一掬寒香薦石泉

藍山詩集

卷五 七律

三

酬答啓東明上人詩畫之惠

上人自是贊休徒風雨重逢世事殊竹寺每懷尊宿健
草堂能憶故人無三年艾起煙霞疾八法書存竹石圖
他日相思迴首處白雲千丈一峯孤

丙寅仲冬予攝官星渚本邑判簿李公以催租入

山忽游武夷予命小舟追之不及是夕宿常菴

溪風山月一時清興王事靡盬明日卽附舟逆

流而上因憶曩時與石堂盧使君同游放懷山

水一觴一詠其樂不可復也援筆書懷遂成唐

律二首

休日相期上翠微出門頗覺事多違小舟送酒來何及
獨騎看山去又歸山月抱琴尋澗竹天風倚杖叩巖扉
煙霞一榻無人共夢繞瑤臺跨鶴飛

清溪九曲遂真游已覺雲山笑白頭緩轡未能隨後騎
叩舷聊欲借前舟先朝故老偏相憶此日虛名不自由
從事獨賢何足問煙波慚愧舊盟鷗

蘇子賦梅杖竹杖

翦得孤山最健枝老年筋力賴扶持雪中拄去餘香在
月下攜來瘦影隨生長冰霜憐硬骨摩挲苔蘚露蒼皮
仙人九節休相笑也欲看山入武夷

藍山詩集

卷五 七律

攜得南枝拄白雲天寒時復出柴門交頭共倚春風力
到手還疑夜月痕禹廟星霜空自化葛陂雷雨未應存
老來只爲尋詩苦踏雪明朝過遠村
綠玉新裁節節方老年與爾共行藏游山鹿豕休相訝
倚壁蛟龍恐欲翔不用虛心隨石轉自來直幹拂雲長
扶持莫問顛崖遠但愧微蹤久雪霜
伐竹爲筇共我長不煩繩削自然方端形祇是生來少
直節誰憐老幹剛拄過蒼苔窺鳥跡踏殘黃葉出羊腸
此君盡力扶衰朽一日平安不可忘

劉俊民撫軍自京回趨會不及詩以寄意

聞道回轅宿武夷巾車晨出赴襟期平安已驗從龜吉
進退誰言履虎危水驛梅花題壁處山營柳色候門時
清談不肯畱今夕目送南雲有所思

題黃獻可所藏魚樂圖

春雲漠漠水平湖掉尾揚鬢羨雨魚自笑山林雙目短
不知江海萬形殊桃花浦口鈎虛擲蘆葉磯邊網自疎
歲久只愁頭角異風雷相送上天衢

藍山詩集

卷五

七律

三

人只愁頭角異風雷相送上天衢
春雲漠漠水平湖掉尾揚鬢羨雨魚自笑山林雙目短
不知江海萬形殊桃花浦口鈎虛擲蘆葉磯邊網自疎
歲久只愁頭角異風雷相送上天衢
春雲漠漠水平湖掉尾揚鬢羨雨魚自笑山林雙目短
不知江海萬形殊桃花浦口鈎虛擲蘆葉磯邊網自疎
歲久只愁頭角異風雷相送上天衢
春雲漠漠水平湖掉尾揚鬢羨雨魚自笑山林雙目短
不知江海萬形殊桃花浦口鈎虛擲蘆葉磯邊網自疎
歲久只愁頭角異風雷相送上天衢

藍山詩集卷之六

七言長篇

酬劉蘭室題墨菊扇寄惠

白團誰寫秋風曲寄我茅齋掃炎燠
新紈皎潔一尺冰濃墨淋漓數枝菊
摩挲雙眼老復明興入東籬餐落英
蘇仙筆下雲霧濕劉侯句裏煙霞清
一邱養拙南山側敢擬柴桑舊時宅
清節雖憐白髮翁壯懷不倚黃金色
故人嘉惠不可忘永日清風吹我裳
長隨懷袖送月影更入篋笥生虹光

題秋山訪隱圖

藍山詩集

卷六

七言長篇

一

遙峯蒼蒼白雲白紅樹黃花間秋色
三徑曾尋蔣詡居一區尙憶揚雄宅
十年不見鶴田翁遠水長山入夢中
涼颺散策遠林靜微雨濕衣空翠濃
先生見客幡然出髮短眉長眼如漆
窮高極厚作千年虛往實歸凡幾日
畫圖絕似鶴田秋不許同行只獨游
黃綺正須天子召巢由底用世人求
題歐陽楚翁梅竹畫
道人下筆天機熟宋末元初寫梅竹
琅玕箇箇起中林瓊樹娟娟在空谷
三花五蕊天然好直節虛心肯相保
花光老可費經營和靖子猷驚絕倒
兵戈流落存者稀

巽玩茅屋生光輝羅浮月色忽在手渭川白雲隨我飛
此翁亦是英雄輩事異時非聊自晦百年翰墨可流傳
陽圖靜與儀型對

題春雨藍澗圖

雲煙慘慘春林裏風雨瀟瀟澗聲起荷笠宜耕桑柘村
荷竿欲釣桃花水吾弟後年多讀書生怕軒冕來相拘
布衣擬就澗邊老草坐似習山中癯朝廷偶說通賢路
州縣臨門偏人去秋天嶺海下鷹鷂落日川源肅狐兔
講才直氣不入時坐守古道衝危機無人更掃藍澗屋
石墓已題春雨碑

藍山詩集

卷六

七言長篇

二

三山王子慶爲小兒作藍原野牧圖題以長句

吾家舊號多牛翁藍原水清春草豐行鳴臥食各有趣
三三五五西復東生兒十歲在空谷未學詩書先學牧
鞭繩不廢亦不拘小笛能吹太平曲浮雲千變世事殊
平坡遠近一牛無官窺筋角盜窺肉豈有風景如此圖
昨日買牛復耕計一寸山田入租稅農家漸少兵漸多
農兮牛兮竭爾力旣耕且種休蹉跎

候劉蘭室不至

送君上京師懷君來武夷黃花開口向我笑不肯握手
趨東籬草堂正在藍澗底年年風雨花如此架上殘編

蠹魚樽中濁酒乾 蟻期君逾月君不來日日鞍馬
驅塵埃軍符侯印生白髮石田茅屋荒蒼苔世上功名
休便得有子况能傳父職倘入廬山訪社蓮爲報陶潛
久相憶

醉歌一首送劉蘭室還建溪兼問蘇明遠椿桂

憶昔下馬扣我門惠連種豆歸南村脫巾漉酒共一醉
秉燭題詩期再論人生安得長相見世事誰知回首變
惆悵鴛原負急難淒涼鶴髮甘貧賤清樽重對黃花前
更爲後會知何年菟裘問地君思隱蛻骨名山吾欲仙
霞洲玉洞秋風老更有何人拾瑤草因君爲我問三蘇
藍山詩集 卷六 七言長篇 三

墨池霜菊年年好

更余復嬰近以方壺所寫大王峯轉惠暇日展玩殊
有幽趣因題長句

方壺畫出世有名生紙一幅塗縱橫孤峯倚天旭日上
危石拔地秋風生壯游曾來拾瑤草夢裏武夷青未了
紫陽五曲石門荒金老三間茅屋小興來放筆起層巒
萬仞嗟峨咫尺間龍洞雲煙含宿雨鶴壇星月滿空山
武林道士余三一來渴松根講周易十年不出鬢垂絲
九轉將成眼如漆新圖千里寄神交東南一柱青天高
願授神方服石髓共聽仙樂鳴雲璈閒窗持贈深有意

念我衰年住汚世便欲呼兒挽鹿車從此相隨入蒼翠
范伯剛爲予作翠屏別墅圖因賦雲林茅屋歌

我昔結屋依雲林開窗正對浮雲岑山花爛漫散春色
崖木慘淡垂秋陰藍輿欲往空費力十步五步還坐息
日斜又向茅屋歸惆悵三年登未得范寬生紙寫作圖
中堂忽見遙峯孤白雲黃霧自舒卷濕翠晴嵐時有無
半空石壁懸飛瀑下有良田藝桑竹買牛春雨早歸耕
莫遣兒孫忘鄉曲

蘆峯絕頂阻雪書寄雲松

昨日藍輿不得上今日藍輿不得下天花萬點散長空

藍山詩集

卷六 七言長篇

四

白雲一片包青野山空雨霽日色微風前猶作落梅飛
聞風玄圃在人世夜景若晝騰光輝茅屋閉門愁出入
履破衣穿寒轉襲揮豪三復白雪吟手足凍僵才思澀
張老屏山賞又新應披鶴氅對嶙峋長篇短幅述清語
定有瓊瑤報故人

次國學生朱士堅游武夷韻

春風吹船泛中流千巖萬壑開滄洲空林濕翠散晴旭
絕頂爽氣生清秋皇華咨訪成幽趣水木蒼蒼遠參互
鶴起如驚使節來猿啼似怨山人去隱屏峯下平林路
漁父壇邊文杏樹山生書帶不多春空與山麋野鹿鄰

杖藜或可共避世拂衣誰是真知津羽人稀少雲邊住
迴首人間障塵霧半夜松聲遠浦潮終朝嵐氣前峯雨
金雞啼月響仙機四海秋風豈不知乘槎徑欲問織女
杼軸常空終自疑靈芝仙山迷荒麓盡日盈檐采新綠
興盡重尋洞口回詩成尙憶山中宿清溪從此別漁樵
六翮仍看上九霄歸朝應傍薇花立在野難歌桂樹招
故人張籍同官舍倘問山林衰病者食力非邀谷口名
灰心已入廬山社

題雲松九江秀色圖方壺畫

淵明柳太白松九江千載生清風後來張籍學稽古志

藍山詩集

卷六

七言長篇

五

操卻與前賢同早年侍宦游閩中白頭不歸鄉井空長
思故業勞夢寐舊攬秀色延中胸琵琶亭香爐峯傷離
恨別不足較尋幽望遠將誰從題書報小宋揮筆煩壺
公青山白雲負輕策落霞秋水浮孤蓬昨日攜圖來叩
戶品題愧我非才雄江山如此游不到惆悵一生田舍

翁

雪中候雲壑不至書懷兼柬雲松昆仲

臥病空山連日雪崖谷平沉高石沒朝暉倚杖坐茅簷
夜氣擁爐消棹楸兵選三丁壯者稀祇餘翁媪守柴扉
秋霜早殺空晚稼寒機盡用無冬衣聽說謀求愈悽惻

轉憶承平樂耕織暖入狐裘念苦寒飽分玉食憐飢色
九折危途一道溪故人相望阻攀躋惜乏監輿度雪水
安得青鞵踏雪泥

白雪歌

南州大雪從來少數日山莊三尺厚一點游塵著處無
四簷明月連宵有瓊樹應迷谷口樵玉簑不脫溪邊叟
清池片石壘寒瓊遠岫疎松排禿筴鳶肩獨聳費吟哦
鶴髮相輝惜衰朽梅清竹瘦轉憑陵烏仆猿僵罷飛走
孤煙冷舍自無聊橫竇當途誰得取宜消瘴癘拯羣黎
忽報豐登隨衆口高士軒中愛煮茶將軍帳下催斟酒

藍山詩集

卷六 七言長篇

六

種石辛勤壁在田照書爛漫珠盈斗陰崖北向雲影開
旭日東來澗聲吼眼前光景漸消磨石門天柱長迴首

野鷹謠

野鷹棲老江邊樹整刷毛衣矜爪距深林未見攫妖狐
近市且知爭腐鼠天生羽族謂爾雄爾德不肖形軀同
雲霄眞骨死炎瘴來者如斯往者空

惜猫怨

山人養猫俊而小畏渴憐飢惜於寶一鳴四壁鼠穴空
臥向花陰攫飛鳥鄰家畜犬老更狂狹路相逢力不當
吁嗟猫死難再得惡物居然年命長

重題虛白道院 并序

吾弟虛白居西山學道之七年歲在庚寅八月初四日有羽士相過蓬頭眇目敝衣破笠杖懸藥瓢數十鏗戛有聲既至門相見揖讓周旋之禮頗疎供茶與粥俱不入口翩然卽辭而去明日鄉鄰有至山者云昨日有一道人云自海上來問西山路去訪藍道人投機一宿不投機卽行沿途施藥請服之者病輒愈詢之數十里間同日俱見遂徧訪求之竟無及矣虛白不勝悵然蓋其志勤於慕道仙者特來觀察焉後數年虛白仙去其事少知之者暇日重過林下有感前事遂題長句俾有志於道者知學仙之不妥也時戊午三月藍山拙者書

藍山詩集

卷六

七言長篇

七

吾弟再來人弱齡志神仙師事月閒老辛苦二十年丹書墨符役神鬼白日青天致風雨元陽眞火分濟人不俾世間羸瘵苦西山松柏裏先人有舊廬白雲長芝草青霞護道書林居園屋奠八卦草衣木食參玄化宴坐靈龜息漸微空歌白鶴飛初下青春三十功累成名列丹臺玉署深蓬萊官府案行密特遣仙者來中林瓢笠過門日當午一語不合幡然去杖藜揮袂風飄飄迴首

雲深不知處微言至理豈易逢仙緣尚隔一塵中前程
悵望鸞鳳遠遺蛻偶與蛇蟬同學仙求道難如此拔宅
徒勞慕劉許我來撫景重興懷滿林白石空延佇

放歌一首效蘇仲簡

萬方一日綱紀新四夷重譯來稱臣白頭山癯驚且喜
托身兩代耕桑田桑田海水千年改霜木晨星幾人在
老馬空嘶皂櫪間驚鴻已出虞羅外旁求郡邑及山林
兵選三丁儒一丁裂荷莢芟別山谷帶牛佩犢趨邊庭
萬人坑平百草綠風雨年年寡妻哭縱有生還老退身
疾痲傷殘形不足我生不預功名期先朝未壯今衰羸

藍山詩集

卷六

七言長篇

八

夕陽漸挂首邱樹當歌一放誰能悲

悲流人

爲農未免租調癡從軍可辭刀箭痕布衣一日任民社
鞭撻不救肌膚完足兵足食萬世計征衣戰甲無甯歲
但知城郭倍光輝誰問閭閻久凋敝深機巧宦何爲者
暴虐施民自寬假山頭白石城下泥已有行人先問舍
前車後車相繼摧滿山枯骨白成堆嗚呼古人不可作
自書下考眞賢哉

盆栽海棠灌溉極力秋後一花甚佳因賦長句

海棠奇品生空谷益益移栽近茅屋春來稠疊試新花

秋去凋零似枯木化機偶出人力爲甘雨不及流泉滋
老柯更潤轉青色新葉漸長含朱蕤閑庭秋草萋更綠
一點猩紅耀晨旭戲蝶頻驚樞火然飢禽側想櫻桃熟
野人病起雙目眇終日對坐憑烏皮禪窗清淨寶珠現
仙竈微茫丹粒遺風吹露濕看更好髣髴林塘殘月曉
社日那無燕子來早春合有游蜂繞祇恐芳菲又變衰
西郊灑氣重淒其白頭惜花亦自惜更有紅顏能幾時

題南山秋色

憶昔弱冠心冥頑趨庭侍訓溪南山綵衣朝日動春色
蕙帳秋風生夜寒三年奔走衡湘間候問寢食通平安

藍山詩集

卷六

七言長篇

九

歸田在念竟莫遂陟岵引領空長歎結廬新阡植松柏
捧土涕淚垂汎瀾仙人怪我久不返畫圖寄示青巘嘒
雲霞隱映石崖紫霜露點染楓林丹舊時猿鶴良有待
向夕漁樵相與還催呼僮僕輿老母杖藜入谷尋柴關
躬耕力學企先志絕頂爽氣窮躋攀

題馬大使青城山圖

青城丈人高入雲野老未識應先聞畫圖朝開拭我目
興入深谷窮其源四川號雄觀五嶽爭推尊在昔漢季
老仙伯燒丹井竈今仍存二十四治屬呵禁鬼魅不得
侵人羣後來肥遁更多士採芝斲藥深林裏樵夫誤到

老人村世代流傳長孫子馬卿食祿東南隅思山願乞
明年歸祇今聖代重養老春風會送斑斕衣

藍山詩集

卷六七言長篇

十

